

「國家社會科學基金重大項目」

何建明 主編

中國地方志
佛道教文獻匯纂

人物卷

(60)



國家圖書館出版社

【國家社會科學基金重大項目（11&ZD119）】

中國人民大學佛教與宗教學理論研究所

何建明 主編

中國地方志
佛道教文獻匯纂

人物卷

（60）



國家圖書館出版社

中國地方志佛道教文獻匯纂·人物卷
福建省 南平市

建陽縣志

明·魏時應修 田居中 張榜纂
明萬曆二十九年（一六〇一）刻本

仙釋

形可脫乎無生法忍可證乎吾烏乎知之存其舊
也以俟玄覽君子志仙釋

漢

華子期師角里先生得隱仙靈寶法居硯山勤行修
煉功成驂鸞而去

梅福字子真壽春人西漢爲南昌尉上書不報棄官
入閩望郭巖有紫氣卽往與岐公同處修煉丹成
俱乘鶴上昇

尹真人煉丹于蕉源山術成飛仙去

錢鬱霄劉永志李氏三女同在白塔山修煉成仙真
觀辛丑獵者呂師逐獸入山中遇三女於石土圍
碁因坐而觀之女授桃半顆與食俄頃獵具朽爛
歸家幾十年鄉人因挽師引至原處忽覩圖光百
丈三女昇天遂號三皇元君立龍濟道院以奉之
兩暘祈禱卽應

唐

扣冰藻光古佛俗姓翁諫議大夫承贊之季子也初

叅雪峰峰曰予異日必爲王者師後自鷺湖歸溫
嶺結庵繼居將軍巖二虎侍側神人獻地爲瑞巖
院學者爭集夏則衣楮冬則扣氷而浴故世人號
爲扣氷古佛後住靈曜天成戊子閩王延居內堂
拜曰謝師遠降賜茶次師提起索子曰大王會麼
曰不會曰人王法王各自照了留十日以疾辭至
十二月二日沐浴升堂告衆而逝至今遠近祈禱
靈異非一

馬道一禪師漢州什邡人容貌奇異牛行虎視刺舌

過鼻足下有二輪文幼依資州唐和尚落髮開元
中習禪定于衡岳傳法院遇懷讓師有磨磚不能
作鏡坐禪豈能成佛之語同參者九人惟道一密
受心印來崇泰里佛跡嶺創寺苦鼠雀蚊蟻之擾
作法禁止之逮今永絕後遊方至建昌石門山於
貞元己巳三月四日坐化元和中謚大寂禪師

宋

江道錄名師隆號三白本儒家子通經史標格出塵
入道武夷山得雷霆秘術能致晴雨紹定間錢塘

水孽爲患詔宣赴闕大著靈効授金門羽客而
歸武夷御書常庵二字賜之

江道判名成真號心隱少入武夷從張岩隱遊清修
甚謹法師黃雷因見而奇之授以清微雷法遊龍
虎山禮祖壇天師留國公命主凝禧觀遇大旱祈
禱顯應名聞朝廷授以建寧道職晚年築室于水
簾洞脩丹養靜無疾而化

王法昌東田人生不苟葷茹失父孝養其母慶曆中
剪髮爲頭陀入福先寺與慈濟大師同時修道勤

行勞苦不拔生草不斫生柴身多蟣虱時常翻屨
使與均飽熙寧辛亥告人曰吾明年去矣人莫之
信果於次年五月十八日坐化里人始驚異之謚
慈戒大師

姚幼安福州長溪人幼習儒術長出家於廣州觀音
寺落髮爲僧熙寧丙子至建值慈戒西歸說頌讚
之留住本山欲架鐘樓自往武仙山募疏朝癸午
歸日行一百二十餘里舊鐘樓頽朽人莫敢登師
緣梯解鐘如履平地五夫劉朝素來山祈嗣師曰

姚癩與你一子某年月日生可名姚哥至期果應
居恒佯狂以愚世人熙寧庚辰正月沐浴垂衣而
化賜謚慈濟大師二像俱係肉身以粉泥粧塑至
今不壞歲旱祈雨迎之至縣立應人稱爲姚王二
聖云

暨存真甌寧水吉人結廬崇仁德之冲源出入里閭
間常有朵雲覆其上尤喜躬稼出門隨意耕耘不
分疆域彼此當盛夏時雲輒隨其耕處人異之俾
移他所雲復隨之如故歲旱祈雨頂香呼天曰雨

則甘澍隨注秋冬之交雨水浸澤則呼曰晴雨卽止人有疾者以法水飲之輒愈紹興辛亥詣洛田之蓮源化里人詹公瑾地為庵以棲扁曰如是壬申六月十九日趺坐而化留之浹旬不壞異香滿室遂以香泥塑之迄今四百餘年雨暘不時飛蝗害稼祈應如響至正間賜謚定應通覺惠昭善濟大師每歲六月進香四方雲集其有不虔不蠲者地神往往示罰人敬信之至比為武當云

古梅禪師名正友俗姓丁江西貴溪人自幼有出世

志參海印見絕學遂得大事了畢在分寧之雲岩寺閱法昌語至驅耕夫牛奪饑人食掩卷脫然及往見前四大尊宿機語相契皆許可之徧歷江淮兩浙二十餘年泰定甲子與梓岩遜師入閩開山高仰東南參學之士日滿其室至正壬辰五月初三跣趺示寂有鳳山淨智法語行於世

國朝

雲陽和尚名德和溪南萬氏子幼未學問即慕出家超生先訪斗峰覺公授楞嚴宗旨昕夕參尋恍然

有悟元坐董岩庵不爐不扇不就寢者三十餘載
苦行特脩演法導迷泛及儒書多所了悟萬曆己
丑歲大旱禱雨弗應師出口誦心經甘霖隨注甲
午九月示寂仰山蓋元古梅禪師得道處也

中國地方志佛道教文獻匯纂·人物卷

福建省 南平市

建陽縣志

清·柳正芳修 王維文等纂

清康熙四十一年（一七〇二）修 抄本

仙釋

形可蛻乎無生法忍可證乎吾鳥乎知之存其舊
也以俟探微君子志仙釋

漢

華子期師用里先生得隱仙靈寶法居硯山勤行修
煉功成驂鸞而去

梅福字子真壽春人西漢爲南昌尉上書不報棄官
入閩望郭巖有紫氣卽往與岐公同處修煉丹成
俱乘鶴上昇

叢談志

建陽縣志

卷之八

仙釋

尹真人煉丹于樵源山術成飛仙去

錢鬱霄劉永志李氏三女同在白塔山修煉成仙貞
觀辛丑獵者呂師逐獸入山中遇三女於石上圍
碁因坐而觀之女授桃半顆與食俄頃獵具朽爛
歸家幾十年鄉人因挽師引至原處忽覩圓光百
丈三女昇天遂號三皇元君立龍濟道院以奉之
雨暘祈禱卽應

唐

扣冰藻光古佛俗姓翁諫議大夫承賛之季子也初

叅雪峯峯曰子異日必爲王者師後自鷺湖歸

嶺結菴繼居將軍巖二虎侍側神人獻地爲瑞巖
院學者爭集夏則衣楮冬則扣冰而浴故世人號
爲扣冰古佛後住靈曜天成戊子閩王延居內堂
拜曰謝師遠降賜茶次師提起橐子曰大王會麼
曰不會曰人王法王各自照了留十日以疾辭至
十二月二日沐浴升堂告衆而逝至今遠近祈禱
靈異非一

馬道一禪師漢州什邡人容貌奇異牛行虎視引舌